

痛史

第二函
五
二十册

國變難臣鈔

雍正癸丑夏。沙博士偉業出敝紙一卷。曰國變難臣鈔。云明崇禎甲申三月十九日之變。其先世自燕邸劄記者。紙壞敗。然諸人姓名頗完好。卽不無一二蠹蝕者。名不全而姓尙存也。

凡分目爲七。一曰死難姓名。一曰刑辱姓名。一曰囚辱姓名。一曰潛身姓名。一曰叛逆奸臣姓名。一曰受賊官職姓名。一曰誅戮姓名。

其死難姓名。自縊死者九人。爲李邦華。施邦耀。凌義渠。吳麟徵。吳甘來。許直。成德。張慶臻。鞏永固。其自縊爲家人解救。賦詩投古井死者。爲范景文。其自縊并妻幼女俱縊死者。爲倪元璐。其自縊并合門縊死。爲賊數百人跪哭者。爲劉理順。其自縊與其子新進士諱章明皆縊死者。爲孟兆祥。其同妻俱朝服飲酒自縊死者。爲汪偉。其於

二十一日入朝回自縊死者。爲周鳳翔。其俱衣冠赴朝內金水橋死者。爲金鉉。其罵賊被賊殺者。爲宣府巡撫朱之馮。其罵賊不跪被磔罵不絕口死者。爲大同巡撫衛景瑗。其驅一家老幼俱上樓放火自焚死者。爲劉文炳。劉文耀。凡死者二十有二人。皆致命赴義。爭光日月者也。

其首列刑辱姓名者。爲方岳貢。夾二夾。完贓三千兩。不死。留用。次邱瑜。夾與岳貢同。完贓倍之。而減其六之一。若雷耀龍。郝晉王。鰲永。沈日章。呂兆龍。雖僥倖而夾皆與岳貢同。其夾二夾。仍不留用者。則有陳必謙。李明睿。張鳳翔。金之俊。沈惟炳。胡世安。張忻諸人。其夾二夾。并子亦夾一夾。樛一樛者。爲王志正。其夾二夾。頭箍一箍。仍夾其僕二夾。奪賊刀自刎死者。爲張維機。其以古玉杯金壺及諸賂器。丐周鍾賄王旗鼓。得復授職者。一爲夾一夾之湯汝成。一爲夾一夾之吳履中。其以削髮夾二夾者。方拱乾。楊昌祚。衛胤文。劉明傑。吳孳昌。夾四夾。追銀四萬兩。死於家者。孫從度。夾四方。拱乾。楊昌祚。衛胤文。劉明傑。吳孳昌。夾四夾。追銀四萬兩。死於家者。孫從度。夾四夾。死尤慘者。李士淳。林增。其他如陳德純。方以智。王口順。鉉。鄭楚勳。馮垣。登。沈邦臣。

肅時豐萬口黃熙胤張正英趙士錦吳伯宗李起龍郝傑陸禹思鄭逢蘭范方謝於陞陳翔林蘭友蔡國光劉中藻何肇元曹維才李逢甲錢增鄒逢吉。或夾一夾二夾不等。凡夾者共五十五人。雖爲人好醜不類。而皆不免於辱者也。宋之繩削髮。以楊廷鑑周鍾力薦於王旗鼓。免夾。汪光緒楊若僑周亮工劉令尹俱未夾。此所謂囚辱者也。

蔣德璟十三日辭朝。出住崇文門外。鄭二陽曾纓施元徵張伯鯨汪維効翁希禹程北科宮偉鏐程子奇彭遇凱施升蔣臣譚良友史夏隆嚴通林飭王崇簡。所謂潛身者也。

其叛逆奸臣姓名。則張縉彥周奎宋企郊等四人。其時以太子獻者。周奎也。以十九日同太監開齊化東便二門獻城。仍被夾者。張縉彥也。其受賊官職姓名。則劉太鞏光時亨楊枝起三人。倡爲助餉之說。各寫五千金。丐宋企郊投名。召見授職。梁兆陽召見凡二。授兵部侍郎。楊觀光亦召見二。授禮部侍郎。周鍾授檢討。撰勸進表登極。

詔并獻下江南策。逢人卽自詡牛老師。極爲歎賞者。周鍾也。項煜授太常丞。煜門生黎志陞爲口腹心。欲大拜之。卽昌言於衆曰。大丈夫名節旣不全。當立蓋世功名。如管仲魏徵可也。後授本職。始沮喪逃歸。南渡時。煜亦被人執而沉諸河死。錢位坤授國子監丞。初賊不用坤。丐周鍾資緣。僞文撰顧揚赴部時。對人曰。我明日此時。便非凡人矣。京師有不凡人傳。薛所蘊授祭酒。何瑞徵授教習館元。宋學顯趙京士葉初春授大理丞。賀王聖吳家周授原職。董家恆楊廷鑑韓四維高爾嚴陳名夏張之琦趙玉森傅鼎銓楊名琅魏學濂張元琳吳爾壘劉餘謨魏天賞史可程朱積蕭卓王自超劉廷琮何九口張九錫劉肇國李化口姚文然高衍胡統虞傳學禹羅獻炆梁清標白胤謙何胤光李呈祥龔鼎趙頻楊梅鶚黃燦成克鞏張端呂崇烈劉廷諫熊文舉侯佐。俱原職。楊元錫孫承澤戴明說傅振鐸時敏申芝芳高翔漢芮元益郭元金汝礪朱徽彭瑄林鳴球柳寅東陳白羽張明駿蔡鵬霄衛禎國涂必泓王於曜鄒魁明吳剛思徐家林吳元謙繆沅李之琦胡顯李丕著張元輔呂兆龍龔彝湯有慶

黃徽胤吳之琦張琦程玉成王皋黃國琦王孫蕙孫以敬王爾祿吳泰來武愨李登雲俱授職。龔□授防禦使。朱□授四川府尹。張家玉以建言綱三晝夜。仍授原職。凡爲人一百有五。半皆一世知名之士也。

所謂誅戮姓名者。首輔則陳演。夾一夾。追黃金三百六十兩。銀四萬七千兩。逮夜殺之。魏藻德。夾一夾。追銀一萬七千兩。其妻二。子二。夾。飲□死。吏部尙書則李遇知。夾二。夾。一。追銀四萬六千兩。仍夾死。其見於敝紙劄記如此。

案衛胤文吳爾璫殉揚州難。曾櫻殉貴州難。張伯鯨殉揚州難。各有傳。

傅鼎遷南還。爲鄉人非笑。嘗欲求一死所。與揭公重熙同舉義旗死。附見揭公傳。魏學濂欲有所爲未遂。自縊死。無錫顧瑞徵與如皋冒襄嘗雪其冤。自有傳。

張家玉起兵廣東。屢破連州博羅連平長寧諸縣。轉戰一年。入據增城。清兵環攻之。戰十日乃敗。徧拜諸將。赴野塘死。附見瞿公式耜傳。

方以智爲僧入粵。清帥物色繫之。逼令更服則生。不更服則死。袍帽在左。白刃在

右。惟其自擇。以智辭左而受右。帥起親解其縛。聽爲僧。錢澄之記一事云。順治甲午。方密之以智旣爲僧。閉關高座寺。余往看之。寓報恩寺。坐賣卜周勿菴肆中。有老僧與同坐。故中官也。問余知爲桐城人。因曰。桐城有一方以智尙存乎。昔於內廷供事烈皇。一日御經筵回。天顏不懌。忽歎曰。求忠臣必於孝子之門。如是者再。某跪請其故。上曰。今早經筵上。有展書官陳某。乃陳某子。其父巡撫河南。失機問大辟。繫獄候決。某衣錦薰香。展書於前。略無戚容。不孝如此。其能忠乎。某跪進曰。展書官舊例皆然。跪進上前。防有不潔之氣上觸。故衣必鮮華。薰香盈袖。要令展書時芳香襲御座耳。上曰。旣如此。便當辭官。不然。辭差可也。朕聞新進士中有方以智。其父方孔炤。亦以巡撫湖廣。與陳某同罪下獄。聞以智懷有血疏。日日於朝門外候百官過。叩頭呼號。求爲上達。此亦是人子。言訖。又歎曰。求忠臣必於孝子之門。未幾時。釋孔炤而辟某。孔炤之得生由此。外廷豈知之乎。余聞其語。隨到竹關說與以智。以智伏地哭失聲。北向九叩頭謝恩。甲午秋九月事也。

按他書載襄城伯李國楨以三事要賊禮葬烈帝。遂死帝后旁。此事殊僞。寧都魏禧新樂侯傳後已詳辨之。其書具在。無可疑者。且國楨城守。盡撤守禦。福王時。姜公曰。廣詆爲狂穉。果國楨有大節可取。姜公決不違心抹殺也。況譚吉聰肅松錄。吳陳琰曠園雜志。所著趙一桂葬烈帝事。俱甚詳。何獨無一語及國楨耶。而邵長蘅且云。以一桂事考之。襄城未嘗一至陵下無疑。而爭三大事及自殺。似傳僞。名節甚重。未易輕以與人也。國楨死帝后旁事。具見無錫鄒漪明明季遺聞。其書順治間最先出。他書遂踵而襲之。正史亦據以爲斷。而魏禧文集都未寓目矣。吳梅村贈劉雪舫詩云。寧爲英國死。不爲襄城生。英國爲張世澤。襄城則李國楨也。此又一證矣。

張捷爲東林僧人逼死雞鳴寺。楊維垣詐稱殉難。置三棺於中庭。挾二妾宵遁。半道遭仇家擊死。某氏記畧。則謂二人皆馬阮黨。晚節自全。人皆異之。傳聞異辭耶。正史亦與死節諸公並書。據某氏言耶。抑別有見而不寧惟是耶。

國變難臣鈔終

崇禎甲申燕都紀變實錄

京口草莽臣錢邦芭錄

三月十七日。賊兵圍城。內外礮聲不絕。內少外多。外震而烈。十八日大雨。守城軍民。皆無固志。十九日辰時。皇上手自撞鐘。集百官。無一至者。少頃。賊兵入城彰義門。皇上登煤山。見賊勢昌熾。知事不可爲。遂入壽寧宮。皇后自縊。袁宮人亦自縊。繩斷墮地。皇上自以劍斷其頸。時長公主年十五矣。號泣在側。皇上欲殺之。手不能舉。久之。復砍二刀。悶絕於地。皇上乃自縊。二十日。李賊入宮。不見皇上。遂出示。有能得我皇上者。賞銀萬兩。封伯。又出示。凡文武官員。俱於二十一日朝見。願回籍者聽其自便。願服者量才擢用。如抗違不出。罪加大辟。藏匿之家。一併連坐。得皇子於民間。欲命之跪。怒曰。我豈爲若屈耶。汝父何在。曰。死壽寧宮矣。賊又問汝家何以失天下。曰。以用賊臣周延儒。賊笑曰。汝也明白。皇子又問曰。何不速殺我。賊曰。汝無罪。我豈肯妄

殺皇子曰。如是。當聽我一言。第一不可驚吾祖宗陵寢。第二速以禮殯葬。父皇母后。第三不可殺戮百姓。皇子又曰。文武百官。最無義者。明日決來朝賀。至次日。朝賀僞主者一千三百餘人。賊歎曰。此輩不義如此。天下安得不亂。於是始動殺僞之念。二十一日。忽見板門昇二屍至。送魏國坊下。皇上蓬頭跣足。上下皆白綿紬衣。胸書數行。云。朕不德。以致失國。羞着袞冕。見祖宗於地下。又傳聞宮中御案有遺詔云。朕卽位十有七年。五經虜寇。日切憂懼。不意任用匪人。致有今日。統兵在外。當協民心。以固國本。慎之慎之。是日在京大小官員。由東華門入朝拜賀。御座上不見有人。但見青衣小帽一人。傳呼賀畢。衆官請殯先帝。見青衣傳一批云。帝禮葬。王禮祭。二子待以杞宋之禮。衆官又求併以帝禮祭。少頃。青衣傳語云。准了。殿上呼名。獨呼魏藻德者三。呼不應。卽命速拿。少頃。以繩繫至。命送刑官拷打。衆官人物豐偉及知名者。俱留用。其素有貪名及富實者。俱發刑官夾打索銀。賊衆有理刑官二人。劉國公。曹都尉。又有內官降賊者。自宮中出。皆云。李賊雖爲首。然總有二十餘人。俱抗衡不相下。

凡事皆衆主謀也。入宮之後。集諸宮女美者。每賊首分得三十人。賊初入城。不甚殺戮。數日後。肆屠戮。奸淫擄掠。無所不至。諸降賊者。妻妾俱不能免。始怨悔欲逃。賊兵入城者。擄掠淫婦女甚虐。安福衙衛。一夜婦女死者三百七十餘人。死難諸臣家眷。賊兵絕不敢犯。至於降賊受官者。諸將審問長班。如招稱本官藏有金銀。即便鎖去。拷打不休。每賊將一名。領長班五十名。緝治官民藏匿。長班一名。每日限訪事一件。名曰公刺。凡受僞府縣官。遇賊兵過。先搜民間婦女供應。稍或不足。卒以刀背亂打本官。苦不可言。美者攜去。惡者棄下。仍命本官留以待後來者。秀才朝見。宋企郊叱曰。賀朝大典。安用若輩。速回讀。候新天子考試。後數日。果試。首題天與之。次題若大旱之望雲霓也。又拘銀匠數千人。凡擄掠金銀。俱鑄成大磚。以騾馬馱回陝西。大約賊意在關西。刻刻思歸。京城外土賊橫行。李賊絕不能禁。宋軍師身長不滿三尺。其形如鬼。占驗甚精。相傳占十八日大雨。十九日辰時破城。若辰時不破。卽日全軍俱返。待六年後始破。十九日辰時。賊以二人乘雲梯上城。滿城卽刻逃竄。寧遠總兵定

西侯吳三桂擁兵不屈。賊挾其父手書招之。三桂得書。不發。八拜謝父。咬斷中指。扯裂家書。遂約王永吉借清兵十萬。以圖恢復。梓宮殯東長安門外。凡從逆官往拜者。賊亦不禁。然至者甚少。有僧二人在旁誦經。衆賊各肆擄掠。全無紀律。李賊或禁之。輒譁曰。皇帝讓汝做金銀婦女。亦不與我耶。二十八日。諸候選官見僞尙書宋企郊求選授衙門。企郊曰。諸君職銜俱係前朝所考授。新主另有一番規矩。恐不能盡循舊例。諸人力懇一體選授。企郊曰。諸公何不解事。新天子御極。自當另用一番人。前已考試。不過安衆人之心耳。以余爲諸生謀。不如歸去爲上。諸人既絕望。於是以漸逃歸。李賊以四千人守山海關。被王永吉吳三桂殺盡。餘二十人逃歸李賊。朝日多懼。下令四月十三日親征。又傳李賊爲風雷震傷。降賊朝官多被震死。□□□以兵搗陝西賊巢。殺戮殆盡。清兵大入。李賊屢敗。不知所之。

甲申三月忠逆諸臣紀事

錢邦芭

一曰殉節之臣。旌忠也。守城遇賊砍死者。則有王章。投井死者。則有范景文。投御河死者。則有金鉉。衣冠坐堂上。仰藥死者。則有李邦華。自縊死者。則有倪元璐。施邦曜。許直。吳甘來。吳麟振。周鳳翔。同妻縊死者。則有汪偉。同妾縊死者。則有馬世奇。同妻妾縊死者。則有劉理順。同父子夫妻姑媳縊死者。則有孟兆祥。孟章明。全家死者。則有成德。皆京職也。其有在外任而死者。得三人焉。朱之馮。衛景瑗。周遇吉。而勳戚之中。全家自焚者。得四家焉。曰劉皇親。鞏駙馬。王皇親。惠安伯。真可謂與國同休戚者矣。二曰遁跡之臣。美名哲也。君子不輕責人以死。死亦誠難。第能不投款。不報名。跡託緇黃。埋名樵牧。庶幾有不忘故主之思焉。共得十一人。曰汪惟效。周亮工。鄭三陽。曹纓。曹鼎臣。宮偉。繆施燦。史夏隆。王都。蔣臣。楊爾銘。三曰受刑之臣。志辱也。語云士

可殺不可辱。衣冠擄掠。君子恥之。最不可解者。首得四相焉。生爲上柱國。乃猶不能
拚一死。意欲何爲。其夾而不死者。方岳貢也。夾而死者。丘瑜、魏藻德、陳演也。其他若
李遇知、沈惟炳、陳必謙、衛胤文、楊昌祚、林增志、李士淳、吳邦臣、金之俊、吳泰來、張忻、
張端、陳純德、馮恆登、張鳴駿、彭登歷、方以智、宋之繩、劉廷琛、王家彥、劉若宜、鄒逢吉、
朱芾煌、秦汧、潘同春、李逢申、吳履中、朱徽、謝于宣、彭瑄、龔懋熙、張元輔、劉中藻、聶一
心、衛貞固、趙士錦、沈日章、吳孳昌、申濟芳、鄭楚勳、或夾而不死者。總之備極荼毒。囚
虜爲伍。辱至此極矣。尙可赧顏人世耶。尤可惜者。楊元錫一人。十三而登科。十四而
登甲。人以爲仙佛再世。乃亦包羞忍恥至此。至於張家玉。業已罵賊不絕口矣。綁出
要劓。因遽回心。爲烈不終。君子惜之。四曰受職之臣。志污也。讀吾朝之詩書。服吾朝
之冠帶。受吾朝之封廕。一旦反顏。竄名賊籍。顏面何施。如何瑞徵、教習庶吉士劉昌、
薛所蘊、皆祭酒。其有願用金二萬。求爲國子監者。韓四維也。侍郎三人。葉初春、刑部。
楊觀光、吏部。梁兆揚、兵部。都御史一人。高翔漢。編修三人。楊廷鑑、高邇儼、陳名夏。簡

討二人。周鍾、朱積鍾則執筆草詔者也。照原官爲庶吉士者四人。王自超、劉餘謨、何胤文、史可程。原係庶吉士。今改選外任者十一人。趙玉森、姚文然、劉肇國、白胤謙、傅學禹、趙穎、張玄錫、梁清標、成克鞏、李化麟、李長祥。惟魏學濂雖改外任。仍留京用。則戶部司務也。大理卿一人。吳家周。太常丞一人。項煜、諫議二人。光時亨、裴希度、吏部郎中四人。楊枝起、文選、郭萬象、考功、侯佐、驗封、熊文舉、稽勳、驗馬寺一人。宋學顯、直指一人。龔鼎孳、運使一人。王孫蕙、助教二人。繆沅、錢位坤。若柳寅東、高來鳳、耿章光、孫襄、方允昌、朱國壽、許作梅、程光貞、周蘭、郭允、姬琨、陳聯璧、李森先、吳道新、徐有聲、李逢申、余原、俱部屬。若蘇京、戴明說、孫承澤、林銘球、李際期、周壽明、歸起先、俱防禦使。姜金胤、張之奇、劉世芳、施鳳儀、劉廷諫、顧棻、俱選府。湯有慶、翁元益、時敏、徐敬時、黃國琦、呂兆龍、王顯、董復、黃昌胤、熊世懿、劉有蘭、傅振鐸、胡顯、秦沂、黃繼祖、吳達、張琦、俱選縣。其他已挂選而不知何衙門者。則有王永鰲、王正志、郝晉、趙京仕、黨崇雅、侯恂、張應麟、李元鼎、賀武盛。其官之大小不同。而總之皆事僞朝。爲僞官。查得大明

會典。凡從逆諸臣。父母流三千里。妻子沒入功臣爲奴。田產屋宅皆沒入官。立振乾綱。大加天討。是在新天子矣。